

a-a neuva lezze. Pe falo senza tanti schincapê gh'è tempo scinn-a a-o doî d'agosto de st'anno chi.

Cosci o Consolato o s'è dæto da fâ pe ese in regola co-a neuva lezze. A primma cösa a l'è stæta quella de pigiâ o modello propòsto a-o quæ uniformâ o Statuto. E chi emmo avuo 'na deluxon: defæti quande l'emmo lezuo emmo tutti pensòu che o poeiva ese scritto megio; pe questo emmo çercòu d'adegoase mantegnindo o ciù poscibile a forma do nòstro Statuto, ma evitando de desquinternâ o modello de riferimento.

L'è sciortio quello che l'è sciortio, ma l'importante, visto a dæta do doî d'agosto, l'è che a neuva verscion do nòstro Statuto a segge aprovâ da-a Region cosci che A Compagna a pösse continuoâ a ese 'n'òrganizaçion do Terso Setô. I cangiamenti do Statuto, pe lezze, van aprovæ da l'assemblea generale di sòcci, quella che niatri da Compagna ciammemo Parlamento. Pe questo inte sto numero chi do Boletin gh'è a convocaçion do Parlamento sabbo 20 de luggio a 10.00 oe inte l'Aola San Sarvòu in Sarzan,

quella donde femmo i "Martedì". Pe ese segui che o Boletin o l'arive inte caze di sòcci armeno eutto giorni primma da dæta de convocaçion (perché cosci o dixè o Statuto vigente), se semmo dæti da fâ pe serâ o Boletin o ciù fito poscibile. Diæ che ghe l'emmo fæta.

Mi chi veuggio invitâ tutti i sòcci a ese prezenti o 20 de luggio pe questo inportante apuntamento da vitta sociale; chi pròpio no peu esighe ch'o ne fasse avei a delega.

Dæto che o 20 de luggio semmo into pin da stæ, m'è cao ougurâ a tutti de pasasela ben, de trovâ recovio da-o cado e de demoase lasciando into bagòsso do nòstro çervello pensci e preoccupaçoion. Defæti bezeugna ese in forma schilente pe quande, a-a fin de setembre, a Compagna a ripigiâ con tutte e seu ativitàe che, con l'ajutto de chi peu e gh'à do tempo, porian ese senpre ciù tante e senpre ciù belle!

Un graçie a tutti viatri sòcci perché sei viatri che fæ grande A Compagna, a voxe libera de Zena!



Il Parlamento è convocato all'Aula San Salvatore, Scuola Politecnica dell'Università di Genova, Piazza Sarzano a Genova, in prima convocazione sabato 20 luglio 2019 alle ore 01,00 ed in seconda convocazione **sabato 20 luglio 2019 alle ore 9,00** con il seguente Ordine del Giorno:

- approvazione variazione statuto ai sensi del Decreto Legislativo 117 /2017 relativo alla ristrutturazione nazionale della normativa per il Terzo Settore.
- varie ed eventuali.

Isabella Descalzo  
Gran Cancelliera

Ricordo quanto previsto all'articolo ventiduesimo - diritti di voto:

Agli effetti delle votazioni saranno considerati solo i Soci Effettivi in regola con il pagamento delle quote.

I Soci con diritto di voto hanno facoltà di farsi rappresentare da altro Socio avente diritto di voto mediante regolare delega scritta da presentarsi al Parlamento al momento dell'apertura.

Un Socio non potrà avere più di tre deleghe.

Facsimile di delega

Il Socio \_\_\_\_\_

delega \_\_\_\_\_

a rappresentarlo in occasione della riunione a Parlamento del 20 luglio 2019.

Firma di chi delega \_\_\_\_\_